

Transcriptie - Les 3 - Middeleeuws schrift lezen voor beginners

1. ¶ Ten derden male sal hem die volcomene mensche werkeliker
2. wijs of in sijnre inwendigher oefeninghe gheliken den
3. derden choer in deser hoechster ierarchien dat is den choer
4. der seraphinnen die also vele beduden als bernende of ont
5. stekende ¶ Desen chore sal hi hem gheliken vermids vaken
6. ingaen ende indringhen sonder opholden of onderlaet ende
7. sonder eynde in die ynlicste ynnicheit ende verborghenheit
8. des ouermynliken ende ouerghemynden herten godes . mid
9. des inden afgrondighen gront der mynnen godes . middes
10. inder eyndeloser ende grondeloser fonteynen aller mynnen
11. ende mynlicheit aller ghnuechten ende ghenuechlicheit mid
12. des inden heymeliken ende verborghenen ende onghemetenen
13. schat aller wonschelicheit . aller begheerlicheit . aller suet
14. ticheit . aller lieflicheit . aller schoenheit . aller wonder
15. licheit . aller verweentheit . aller vermakelicheit . aller
16. troestelicheit . aller vrendelicheit . aller guetlicheit . aller
17. ghenaeemheit . aller beuallicheit aller bequaemheit .
18. aller mildicheit . aller rijcheit . aller edelheit . aller eer
19. barheit . aller eerlicheit . aller weerdicheit . aller hoecheit
20. aller sekerheit . aller doechsamheit . aller trouwen Ende
21. dit altemale is een onnoemlick guet afgrondich ende onghe-
22. meten dat eenuodeliken is alle guet in welken een yege-
23. lick bi sonderlinghe of men so spreken mach is onghemeten
24. ende afgrondich ende een yeghelick al Dit is dat ouerste ende
25. enighe ouerghemynnede ende ouerlieue lief dat alle mynnen
26. alle liefden ende alle begheerten ende alle natuerlick neyghen
27. aller creaturen gheen wtghenomen redelick of sonder
28. redene sonder enich onderlaet altoes tot in ewicheit nae
29. hem ende tot hem trecket si verstaent of verstaens nyet .
30. sie voelent of voelens niet Sie moeghen hoer neyghen
31. voelen al en voelen si niet wat hem eyndelike neyghet of
32. trecket Dit is dat ouerste ende enighe lief ende ghemynnede
33. daer aller mynnaren ende ghemynden oec hoe daen ende
34. wie dat sie sijn al hoere liefde ende mynne ende lieflicheit ende
35. mynlicheit sijn wtgheuloten van beghinne ende daer se
36. eyndelike weder toelouyen ende invloeyen sonder onderlaet
37. ende in ewicheit Ende al ist daer wtgheuloten van beghynne